

Ս. ՅԱԿՈԲԵԱՆՑ ՄԻԱԲԱՆԱԿԱՆ ԸՆԴՀԱՆՈՒՐ ԺՈՂՈՎ

Սրբոց Յակոբեանց Միաբանական Ընդհանուր Ժողովը գումարուեցաւ Երկուշաբթի, 4 Հոկտեմբեր 1965-ին, Պատրիարքարանի Դահլիճին մէջ: Կը նախագահէր Պատրիարք Ն. Ամենապատուաւթիւն Տ. եղիշէ Ս. Արքեպիսկոպոս Տէրտէրեան: Ներկայ էին 21-ի վրայ 19 Միաբան Հայրեր: Երկու Միաբան Հայրեր կը բացակայէին քաղաքէն:

Ըստ ժողովական կանոնադրութեան, ընտրուեցաւ Միաբանական Ընդհանուր Ժողովի Դիւանը, հետեւեալ կազմով.—

- Գերշ. Տ. Նորայր Եպս. Պողոսեան — Ա. Ատենապետ
- Հոգշ. Տ. Կիրոն վրդ. Գարիկեան — Բ. Ատենապետ
- Հոգշ. Տ. Ներսէս վրդ. Բապուսեան — Ա. Ատենադպիր
- Հոգշ. Տ. Վաչէ Արդ. Իգնատոսեան — Բ. Ատենադպիր

Ժողովը իր առաջին նիստին ը՞քացքին բուժարկութեամբ վերակազմեց Ս. Յակոբեանց Վանքի Տնօրէն Ժողովը հետեւեալ ձեւով.

- Ամենապատու Պատրիարք Սրբազան Հայր
- Գերշ. Տ. Հայրիկ Արք. Ասանեան — Լուսաբարապետ
- Հոգշ. Տ. Յակոբ վրդ. Վարդանեան
- Հոգշ. Տ. Շահէ վրդ. Անէմեան
- Հոգշ. Տ. Մեսրոպ վրդ. Տեփոյեան
- Հոգշ. Տ. Գէորգ վրդ. Նազարեան
- Հոգշ. Տ. Ներսէս վրդ. Բապուսեան
- Հոգշ. Տ. Յովսէփ վրդ. Մամուր

ԵՊԻՍԿՈՊՈՍԱԿԱՆ ԹԵԿՆԱՇՈՒՆՆԵՐՈՒ ԸՆՏՐՈՒԹԻՒՆ

Միաբանական յաջորդ Ընդհանուր Ժողովը գումարուեցաւ Զորնէշաբթի, 13 Հոկտեմբեր 1965-ին, դարձեալ նախագահութեամբ Ամենապատու Պատրիարք Սրբազան Հօր: Ներկայ էին 20 Միաբան Հայրեր: Քաղաքէն կը բացակայէր մէկ Միաբան Հայր:

Սոյն ժողովը գրառեցաւ Ս. Յակոբեանց Վանքը շահագրգռող զաւազան տարցերով եւ ներքին ու վարչական կեանքի հետ առնչութիւն ունեցող կարգ մը խնդիրներով, ու առաւ համապատասխան որոշումներ:

Ըստ Միաբանական ներքին կանոնագրի սրամադրութեան, Տնօրէն Ժողովը Միաբանական Ընդհանուր Ժողովին յղած էր իր որոշումը՝ երկու եպիսկոպոսական թեկնածուներու շուրջ, որոնք էին.

- Հոգշ. Տ. Յակոբ վրդ. Վարդանեան
- Հոգշ. Տ. Շահէ վրդ. Անէմեան

Միաբանական Ընդհանուր Ժողովը, նկատի ունենալով եւ գնահատելով ինքոյիշեալ երկու Միաբան Հայրերու մատուցած բազմաժողովայն օգտաշատ ծառայութիւնները Ս. Յակոբեանց Վանքին եւ ընդհանրապէս Հայ Եկեղեցիին, բուժներու մեծամասնութեամբ վաւերացուց Տնօրէն Ժողովի կողմէ ներկայացուած առաջարկը եւ որոշեց Վեհափառ Հայրապետէն խնդրել ամենց եպիսկոպոսական ձեռնադրութիւնն ու օծումը: